



Inatsisartunut Ilaasortaq Anthon Frederiksen, Partii Naleraq
Inatsisartut
/MAANI

26-02-2016
Sags nr. 21115
Dok. nr. 2154070

Qaanaami aalisarneq piniarnerlu pillugit § 37 054-imut akissutit

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Inatsisartut suleriaasissaanni § 37 imm. 1 malillugu Qaanaami aalisarnissamut piniarnissamullu periarfissat pillugit Naalakkersuisunut apeqqutinik saqqummiussaqaqputit.

Apeqqut uanga susassaqaqfigisannit akineqartussanngorlugu innersuunneqarpoq.

Apeqqutit:

1. Qaanaami eqqaanilu aalisarnermik inuussutissarsiuteqarnerup siuarsarneqarnissaa pillugu Naalakkersuisut qanoq iliuuseqarpat?
2. Qaanaap kangerluani Qeqertani aalisakkanut tunitsiveqalersinnaanera Naalakkersuisunit qanoq isumaqaqfigineqarpa?
3. Qeqertani aasaanerani aalisakkanut umiarsuarmik tunitsivilisinnaanermut periarfissat Naalakkersuisunit misissorneqarsimappat?
4. Aasaanerani appaliarsuppassuit Avannersuarmut tikittartut qanoq ilillugit tunitsiveqar-nikkut iluaqutigineqarsinnaappat?
5. Nerlerpassuit Avannersuarmut aasaanerani aqqusaartartut qanoq ilillugit iluaqutigi-niarneqarsinnaappat?
6. Apeqqut 5-imi nerlerit piniagaasarnerisa eqqissisimatinneqartarnerisalu allanngortin-neqarsinnaanerat Naalakkersuisut qanoq isumaqaqfigaat?

Akissutit:

1-imut.

Misileraalluni aalisarneq

Aalisarnermi Qaanaami inuussutissarsiornissamut periarfissaqaqpoq iluaqutigineqanngi-tsunik. Inuussutissarsiornermut periarfissat tamakku piniartut allanngortitsisoqarnissaa-nut annertuumik piunassuseqarnerannut sanilliukkaanni Qaanaap eqqaani imaani mi-sissuinissaq pisariaqartinneqarpoq.

Siusinnerusukkut taavani misileraalluni aalisartoqartarsimangilaq, kisiannili aalisartut qaleralinnik tunisaat ukiuni kingullerni annertusiartuinnarsimapput. Taamaammat ilimagi-neqarpoq siunissami taamatut aalisarneq periarfissarissaassasoq.

Taamaammat sulissutigaa Naalakkersuisunut inassutiginiarlugu Qaanaami sinerissa-mut qanittumi misileraalluni aalisartoqalissasoq. Siunnersuut piaarnerpaamik Naalakker-suisunut saqqummiunneqartussaavoq. Misileraalluni aalisarnerup takutikkumaarpaa ukioq naallugu aalisarnissamut periarfissaqaqassanersoq.

Misileraalluni aalisarnikkut periarfissaqalissaaq aalisakkat annertussutsillu paasinisaannut ilanngunneqarsinnaassallutillu ilaatigut qaleralinnik, saarullinnik, nataarnanik, saattussanik, qeeqqanik eqalunnillu Qaanaap eqqaani sinerissamut qanittumi assigiingitsunik atortoqarluni aalisarnerit.

Aalisariutit akuersissummik tunineqartut angallatinut mikinerusunut tunitsivittutaaq atorneqassapput.

2-mut.

Qaleralinniartoqarsinnaanera iluaqutigiumallugu Qeqertani qaleralinnut tunitsivittaartoqarsinnaavoq. Aalisarnikkut qaleralerinikkullu isertitaqqortunerulerneq annertunerulersinneqarsinnaassagunarpoq. Qeqertani tunitsiveqalernikkut taamaalisoqarnissaanut pingaarutilimmik ingerlariartoqarsinnaavoq.

Qeqertani tunitsiveqalernikkut piffissaq aalisarfiusartoq siumut utimullu qaammatip ataatsip missaanik sivitsorneqarsinnaavoq, tassami Qeqertat eqqaat sikujaarnerusarmat kangerlummilu sivisunerusumik sikuusarluni aalisakkanik Qaanaamut assartuinissaq navianarsereeraluaraangat periarfissaarukkaluaraangallu. Qeqertani tunisassiorfeqalerpat Qaanaamut aalisakkanik assartuisarneq annikillissaaq - assartuinermi pisariusaqimmat ulorianarsinnaasarlunilu.

Qeqertat nunaqarfittut naatsorsuussaanginnerata kinguneraa pisortat taakkuluunniit suliffeqarfiutaasa annertunerusutigut tapersersuinnginnerat. Qeqertani innaallagissiorfeqanngilaq. Tamakkunuuna ineriartortitsisoqassappat Qeqertat nunaqarfittut naatsorsuussaaqittariaqalissaaq.

Nunami tunitsiveqalersinnaassappat innaallagissiorfiliortoqartariaqarpoq.

Nunaqarfik imeqarfeqanngilartaq kisiannili - Qaanaami pissutsit paarlattuannik – nunaqarfiup qulaani tatsimiit tunisassiornermut atugassamik naammattumik imermik pissarsisoqartarsinnaavoq.

Tamakku saniatigut Qeqertami angallatinut angisuunut talittarfeqanngilaq, taavanili nunaqarfinnut allanut sanilliullugu pinngortitap pissusii naammattumik itissusilimmik umiarsuaaqanun talittarfiliortoqarnissaanut periarfissiipput.

Aningaasaliiffigisassat annerpaartarissavaat innaallagissiorfimmik dieselimik ingerlatilimmik sanaartornissaq tatsiniillu qanittumiittuniit imermik pilersuiveqalernissaq. Sanaartugassaajunnartut nunaqarfiup ineriartorteqqinneqarnissaanut pingaaruteqartorujussuusagunarput. Eqqaamaneqartariaqarporli ullumikkut ingerlasunik inuiaqatigiinnut atortulersuuteqanngimmat nunaqarfimmiullu ikittuinnaallutik taamaammat Qeqertani sanaartortoqassappat aningaasarpasuit atorneqartariaqassallutik.

Neriuppunga Namminersorlutik Oqartussat aamma Qaasuitsup Kommuniata sanaartornermut immikkoortotaqarfii piaartumik suleqatigiissitamik pilersitsissasut, taassuma suliaasarissallugu sanaartornermik suliaassat taaneqartut periarfissaqarnerisut misissorneqarnissaat. Kaammattuutigisinnaavarattaq Namminersorlutik Oqartussat aamma Qaasuitsup Kommunia suleqatigiillutik Qeqertat siunissaat pillugu ataatsimut iloriusissanut pilersaarummik suliaqassasut. Ullut arlaanni ajornartorsiutit aaqinneqarpata nunaqarfimmi matuneqarsimasumi Qeqertani aalisarnerup pimoorunneqarnerulernissaa pilernerulerrissaaq, oqartoqartarmammi angisuumik aalisagarpasuaqartoq.

Kiisalu erseqqissassavara kikkulluunniit Aalisarnej pillugu inatsimmi § 22a malillugu nunami tunisassiorfiliorniartulik akuersissuteqartoqarnissaanik Naalakkersuisoqarfimmut qinnuteqarsinnaammata.

3-mut

Angallatinik tunitsiviliiisoqartarpoq aalisarnermik ingerlatseqatigiiffiit Naalakkersuisoqarfimmut suliamik naliliisussamut qinnuteqaammik nassiussinissamut tikilluaqqusaasut sulissuteqarnerisigut.

Kisiannili angallatip tunioraaviup ulluinnarni ingerlanneqarnera akisukulussinnaavoq taamaammallu annertuumik aalisartoqartariaqarpoq - Qaanaami aalisarfiusartumit immaqa sivilisunerusumik - taamatut ingerlataqarnej imminut akilersinnaassappat 1-imut tunngasut innersuussutigineqassapputaaq.

4-mut.

Timmissat pillugit nalunaarummi atuuttumi § 6 imm. 1 oqaaseqatigiit qulingat malillugu appaliarsunniarnej mannessarniarnerlu ukioq naallugu ajornartitaanngillat, tamanna atuuppoq Qaanaami Ittoqqortoormiinilu aqutsiveqarfimmut.

Siusinnerusukkut namminersuutigalugu Qaanaami appaliarsunniik pisiortortoqarsimavoq. Piniarnermut Naalakkersuisoqarfiup taamaaliornissaq periarfissaqarnerisigut erseqqinnerusumik misissorniarpaa. Taamaattoq tamanna taamaaliortoqassappat piujuartitsinissamik tunngaveqarluni pissaaq, tassa appaliarsuit tunisaalissappata nioqqutissiarineqalerlutillu. Taamaalilluni pinngortitaleriffik tusarniaavigineqartariaqassaaq piniarnermi piujuartitsinissaq tunngavigineqassappat qanoq annertutigisut pisarineqartassanersut. Tunisassiornissamik siunertaqarluni piujuartitsinissaq tunngavigalugu piniarnerup nalilivigineqarneranut Avanersuarmi nammineq atugassanik appaliarsunniartarnej ingerlareersoq ilanngunneqassaaq.

5-imut.

Timmissat pillugit nalunaarummi atuuttumi, *Timmissat illersorneqarnerat piniagaanerallu pillugit Namminersornerullutik Oqartussat nalunaarutaat nr. 8, 2. marts 2009-meersumi, § 6 malillugu* nerlernik pisassiisoqarsimanngilaq. Nerlernut Avanersuarmut takkuttartunut tunngatillugu piniarnej ukiakkut aallartinneqartarpoq. Avanersuarmi piniarnermut piffissaliussat imaapput:

- Nerleq siggukitsiq 1/9 – 30/4
- Nerlernarnaq 1/9 – 30/4
- Canadap nerlia 15/8 – 15/10

Timmissat illersorneqarnerat piniagaanerallu pillugit nalunaarummik iluarsaaqqinnermi ingerlasumi timmissat siuliini taaneqartut pisassiissutigineqartalerinissaannik pilersaarteqartoqanngilaq.

Kangoq ullumikkut piniqqusaanngilaq, kisiannili timmissat pillugit nalunaarutip iluarsaaqqinnerani siunniunneqarluni kangut pisassiissutitaqanngitsumik 15/8-miit 15/10-mut piniarnejarsinnaalissasut.

6-imut.

Timmissat pillugit nalunaarutip iluarsaateqqinneqarnerani Naalakkersuisut Canadap nerlerata piffissaq piniarnejartarfia sivitsorniartulugu, taamaalilluni upernaakkut piniagaasinnaanngorlugutaaq. Ullumikkut piniartoqartarpoq piffissami 15/8 – 15/10 siunnersuutigineqarlunilu upernaakkut 15. maj tikillugu sivitsuisoqassasoq. Nerleq siggukitsup nerlernallu piffissaq piniagaaffiat taamaaginnassaaq.

Inussiarnersumik inuulluaqqusillunga

Karl-Kristian Kruse